

**BESATZUNG: EJN
KURTZER
BERICHT, WIE
STÄTT,
SCHLÖSSER...**



2^o Abil.g. 4 m

<36618256650019

<36618256650019

15

Bayer. Staatsbibliothek



In kurzer bericht / wie
 Stätt / Schlösser oder Flecken mit kriegs
 volck soll besetzt sein / daß sie sich für dem Feinde erhal-
 ten mögen / Mit einer aufzählung / was einem Menschen einen je-
 den tag an Brot vnd Fleisch / dergleichen was einem jeden
 Pferd allen tag an Habern soll gegeben wer-
 den / daß sie sich nach notturfft
 erhalten können.



Getruckt zu Frankfurt am Mayn.
 M. D. LXIII.

17

17

ANNUAL REPORT

OF THE
COMMISSIONERS OF THE
LAND OFFICE
FOR THE YEAR
1871-72
IN RESPONSE TO A RESOLUTION
PASSED BY THE HOUSE OF
REPRESENTATIVES
MARCH 10, 1872
WASHINGTON
GOVERNMENT PRINTING OFFICE
1872

Bayreuther
Staatliche Bibliothek
München

Anfang vnnnd Eingang der Besatzung einer Statt oder Schloß.



Dieweil ich ein
Kriegsordnung (sowil in das
Feld mit aller regierung vnnnd vnder-
haltung gehört) vör mich genommen
vnd beschrieben hab / So wil der glei-
chen die notturfft erfordern / daß die
Besatzung auch beschrieben werde /
Dieweil es gleicher massen ein Kriegs-
handlung ist / vnd zusammen gehört /

vnnnd auch bey einander sein wil / es ist aber doch zweyerley thun vnnnd
regierung / vnd gehören sie doch in Krieg / ist gleich Kriegswert vnd
handlung. Dieweil dann ein Besatzung ein vnderschiedlich ding ist /
vnd keyn gleich maß hat / so kan es auch nicht anders dann vnderschied-
lich vnnnd mit mancherley massen beschrieben werden / Derhalben so
wil ichs auch also mit langem vnderschiedlichem Bericht vnd massen
zubeschreiben vornemen / darmit dasselbig desto mehr zu einem rechten
verstand komme / vnd gebracht möge werden. Derhalben ist zu ver-
siehn / daß die Besatzungen vngleich färfallen / vnd auch für sich selber
vngleich seind / derhalben muß nach gelegenheyt der Besatzung einem
jeden sein maß gegeben werden / wie das eins jeden gelegenheyt gibe /
vnd die notturfft erfordert / wie das hernach Artickelsweiß auff vnnnd
nach einander beschrieben volgt vnd gefunden wirt.

Zum ersten / hat man wol ein Befestung die stark mit vilen treffli-
chen wehren ist / vnd zum besten zugericht vnd gebawet / dieselbig Be-
festung wil zubesehen überschlagen sein / wieuill Kriegsßuolck man da-
rinnen haben muß / daß sie in die leng zur wehr gnügsam mit gutem
Kriegßuolck besetzt vnd versehen seien.

Zum andern / daß die Befestung mit Prouiant vnd vnderhaltung
des Kriegsßuolcks gnügsam bestalt werde.

Zum dritten / daß sie auch mit gutem ordenlichem Beschützn gnü-
gsam versehen seien.

Ein kurzer bericht

Dieses alles seind die drei Principal stück so ein Befestigung (mit Gottes hilff) verhalten müssen/ Damit aber zum vnderricht der Artickel gegriffen werde/ wil ich am ersten Artickel ansehn/ nemlich wann ein Befestigung stark vñnd wehrlich gemacht were/ vñnd man sie mit Kriegsvolck besetzen wolt/ soll man solliche Befestigung mit allen Wehren durch Kriegsvuerstendigen wol besetzen/ erstlich ein wehr nach der anderen zum besten ordnen vñnd beschreiben/ was vñnd wievil personen im fall der noth zu der wehr darinnen sein müssen/ Desgleichen was ein solche für Geschütz/ groß vñnd klein erfordert/ daß man darinnen vñnd darauff brauchen kan. Also soll einer zum ersten ein wehr nach der anderen vornemen/ vñnd mit aller zugehörender Rüstung (wie gehört) ordnen/ Wann dann also nach einander alle notturfst geordnet vñnd vberschlagen ist/ soll man mit fleiß besetzen/ was für plätz in der Befestigung seien/ darauff man das Kriegsvolck in der noth stellen kündet/ außserhalb des Kriegsvolcks das zuvor in die wehren geordnet ist/ Wann das alles geschehen vñnd geordnet/ vñnd alle summen zusammen gerechnet/ tragen 1000. Mann/ soll man dasselbige duplieren auff 2000. oder noch mehr/ oder auff 100. gerechnet.

Vnd wann ein Befestigung lege/ daß sie an vilen orten zubelegern/ zubeschantzen vñd zubeschießen were/ so müssen die stende darinnen desto starker sein/ besetzt vñd dupliert werden/ daß sie harren vñd einander ablösen kündten/ darauff wil der anschlag nach gelegenheyt für genommen vñd geordnet sein. So aber ein Befestigung dergestalt lege/ daß man sie nicht an allen orten belegeren/ beschießen vñnd beschantzen kündt/ so ist nicht von nöten/ daß einer alle plätz/ stende oder wehren so stark besetze/ dann alleyn die Wachten sollen tag vñnd nacht fleißig nach notturfst besetzt sein/ auch fernuer wacht vbersehen oder vertragen/ dann auff solchen vnsörglichen wachen macht man die meisten anschlag vñd Practicken/ Es begibt sich oft daß durch solche nichtige wachen vil vnrat vñd verseumbniß geschehen/ darumb soll man nicht vngewacht vñd vmerhät lassen/ es kan doch ein jedes nach seiner notturfst vñd gelegenheyt geschehen/ vñd obs schon zu nichts gut were/ so ist doch ein gut Kriegsordnung/ denn ein gute fleißige wache verhät vil anschlag.

Weitter so kompt es wol/ daß ein Befestigung klein ist/ daß man nicht viel Volcks darinnen legen kan/ oder ligt inn gemöß oder gebirge/ daß man nichts daran haben mage/ das hat ein ander befehl

leus/

lens / solche Befestigung seind anders nichts / denn Klauen oder päß zu verwahren / daß man auch nichts weiters darauff thun kan / solche Befestigung bedörffen nicht groffe Besatzung / sonder gute hüt für verah-
terey.

Es seind auch Befestigungen die groffe weite haben / vnnnd zu keynent vortheyl / sonder zu vilen Wehren gemacht / vnd nicht darauff gericht / daß man etwann Volck dardurch ersparen oder ringern künde / dann alleyn auff die menge vnd gewalt des Volcks / das seind schwere vnnnd sorgliche Befatzungen / vnnnd geht ein grosser vnkosten vnd sorg dar-
auff / solches Volck zu regieren vnd zu vnderhalten. Aber wie dem / so seind solche Befestigungen nicht gut zu belegern / dann ob sie schon zum Sturm geschossen werden / so ist doch ein grosse menge schwerlich zu stürmen / dann einer stürmen vnd schlagen muß / Wann dann soull Volck in einer solchen Befatzung ligt / die künden vil vnd groffe arbeit mit bawen thun / vnnnd sich in stende vergraben / daß sie für dem schies-
sen einen sichern stande haben / vnnnd in ihrem vortheyl stehn vnnnd sich wehren künden.

Weiter ist auff ein solche groffe Befestigung allezeit hieauß vor auß-
felle sorg zu haben / vnd sich auch zu besorgen / daß ein Kriegsvolck sich versamblet / vnd die im Leger vndersthe anzugreifen / vnnnd die in der Befatzung dann herauß fallen / vnd die im Leger vnnnd in den Schan-
zen auch angreifen / wie wol geschehen ist.

Desgleichen künden sie auch ein außfall thun / wann man die hie-
auß speisen wolt / die Prouiant zu erlangen / Darzu seind die groffe Befatzungen gut / wer sie mit gelt vnd Prouiant erhalten kan / aber es geht schwerlich zu.

Aber wie dem allem / es sey ein Befatzung so groß oder klein / so wils ein groffe sorg vnd fürsichtigkeit mit guter Ordnung vnd Reglerung haben.

Es sagen die Alten darvon / wann ein Herr seine Befestigung beset-
zen wil / soll er nicht einer Nation Volck nemen / haben darauff dise meynung / daß man ein Befatzung / die ein jar in stetiger befatzung sol gehalten werden / mit zwey drei oder viererley Nationen besetzt / oder auffo wenigst mit zweyerley Nationen / auß disen versachen / Wan man ein Befatzung mit einer Nation volck besetzt / so künden sie ein New-
terey machen / daß zwö oder mehr Nationen nicht thun / dann sie nit so einig seind / auch vertrawet keyne der andern / sonder es wil ein jede der best vnd fürnembsst sein / vnnnd leben gemeynlich partensch / vnnnd

Ein kurzer bericht

wann ein Nation von der andern etwas erfährt/so ist's ihnen ein freude daß sie denn andern vngnad vnd vnglück machen/vnnd sich vnd ihre Sachen darmit erheben mögen / daß also ein parthey vor der andern inn sorgen ligt / vnd jegliche ihre Sachen gern am besten versehen wolt.

Zum andern/sagen vnd rathen die Alten auch/daß keyn Herr seine Befestigung mit seinem Landvolck besetzen soll/vnnd geben dem dise vrsach/Wann ein Landvolck in einer Besatzung leg / vnd ein Zug durch jr Land gieng/vnd schaden liden / vnd ihr Herr sehe sie noch darzu/dann werden sie vntwillig / der schaden thut ihnen wee/gedencken vnd reden alle zeit darvon/werden des Kriegs müd / sehen daß sie von feinden vnd freunden schaden leiden müssen/Das thut keyn frembd volck/das lauffet dem Krieg nach / achtet nicht / wie es inn Lande zugehet/dann sie leiden oder haben keynen schaden daron / seind des Kriegs wol zu frieden / wolten daß er lang wehret / vnnd besonder wann der Feind abn das Land grenzt oder benachbawrt ist / Darumb soll ein Herr gut achtung haben/womit er sein Befestigung besetzt/besonder mit den Haupts personen.

Vnnd ein Oberster/der ein Besatzung einhat/ soll erstlich besetzen/daß er ein gut gleiche Ordnung / Policei vnd Justitien halt/ besonder wann er mehr dann einerley Nation hat/ vnd keyner vor der anderen zufall noch vortheyl thut/ es geschehe dann auß billichen vrsachen/sonder eine gleich wie die ander halte/vnnd ob sie schon alle einer Nation weren / soll er sich inn dem nichts mercken noch Parthensch finden lassen/so macht er keyn Parthen vnder ihnen/vnd hat gehorsam von allen theylen/wann er alleyn eine Nation vor der andern halten wolt/dann macht er sie parthensch vnder einander/ vnd bekommen ein widerwillen gegen im/seind vngheorsam/thun nichts mit willen/ Wann aber ein Nation sich vor der anderen wol oder vbel hielt / dann soll der Oberst ein jede nach irer haltung widerumb halten/ doch nicht mit der Justitien oder Policei/san in dem wol andere weg der verglichung oder mit tel finden / vnnd die Policei vnd vorgenommene Ordnung/so die gut ist/in irem wesen vnd gang bleiben lassen.

Die Wachten soll ein Oberster in grosser sorg vnd guter ordnung halten/vnnd ein Nation die wachten nicht alleyn versehen lassen/sonder von allen Nationen auß den Rotten darzu nemen / Hett er aber nur einer Nation volck / soll er keyner Rotten ein stetige Wacht an einem ort geben/sonder alle nacht abwechseln/was zu wachen seind.

Dickeill

Die weil dann die Proniant das Principal stück ist / vnd das leben dardurch erhalten wird / will ich dasselbig für mich nemen / vnd wie das mit soll gehandelt werden / von stück zu stück beschreiben.

Erstlich wil ein Rechnung gemacht sein / wie vil personen inn eine Befagung groß oder kleyn gehn / wann das geschehen / darnach wie vil Korn oder Brot einen Monat auff sie gehet / vnnnd was Maß ein nem jeden allen tag soll gegeben werden / rechnen / daß dasselbige gewiß sey. Befaglichen ein güter vorrath an Meel / so vil man des haben / schätzen oder behalten kan / dann es ein güter tröstlicher vorrath ist / Darauff soll man sich allwegen schicken / vnnnd die Befestunge darnach machen / daß sollicher vorrath verwart vnnnd behalten künde werden.

Vnd wann an den orten vnd Landen der Speck zu bekommen were / soll derselbig alle zeit inn vorrath sein / vnnnd wo sich es zutrüge / daß sollicher Speck lang hangen / vnnnd zubeforgen were / daß er zu alt vnnnd verderben würde / so soll derselbig mit der zeit vnder das Kriegshuolt verspeißt vnd verkauffet / vnnnd alle Jar mit frischem wider ersetzt werden / alsdenn hat man alle zeit ein güten vorrath / Doch wil derhalten güte verfehung geschehen / daß der Speck ahn solche ort gehendet / vnd mit reuchen / vnd der lufft / wie sich gebürt / verwart vnnnd erhalten werde / wo er damit nicht versehen wird / so verderbt er / darumb soll solche verfehung geschehen. Der gestalt soll man mit anderem fleisch thun / als von Rñen / Dñsen vnnnd dergleichen / wann sich einer Befagung zubeforgen were / dieselbigen schlachten / vnnnd sein reyn inn das Saltz legen / vnnnd verwart hinstellen / Wann solches fleisch reyn gehalten wird / so helt es sich ein ganz jar / vnnnd wann man es schlägt / soll es zu stücken gehawen / vnd das blüt daruon getwischen werden / vñ erkalten lassen / vnd mit saltz in die Faß oder Reusen legen vnd wol salzen / vnd wann mans speisen wil / soll es zuuor einen tag oder mehr inn rauch gehendet / vnd dann gekocht werden / die weil es inn saltz gelegen / hats vil saltz ahn sich genommen / dertwegen darff man im kochen nit so vil saltz brauchen / als wann es frisch gekocht wird.

Vnd wer solches fleisch ober jar behalten wil / daß es gut bleibe / der soll es / wann es ein par Monat oder drei im Saltz gelegen / wider inn einem reynen wasser außwäschen / vnnnd auff ein sauber Stro legen / vnnnd trücken lassen / dann hat das Saltz das blüt / so das fleisch verderbt / außgezogen / vnd darnach mit saltz wider wie vor einlegen / vnd die Lach oder Soltz / so vordin darüber getwischen / ist rot vnd vnfauber /

darumb soll man sie wider wol sieden vnd scheumen biß sie lauter vnd reyn wird / darnach erkaltten lassen / dann wider ins Faß vbers fleisch gethan / vnnnd zeitlich darzu gesehen / daß die Lact vber dem fleisch sey / vnd wann es vertrocknet / soll man wider ein frisch Lact von saltz vnnnd reynem wasser sieden / vnd wol scheumen / vnd erkaltten lassen / vnd wider darüber gießen / auch allezeit voll halten / so bleibet es so lang als man wil. Diervell vil vnderhaltungen inn ein Besatzung gehören / vnd zum ersten darinn sein wollen / so wil ich dieselbigen stück anzeihen auch wie man sie brauchen vnd damit handeln soll.

Folgen die stück / so zur Pro- uiant gehören / vnd von nöten seind.

Rorn / Weiß / Meel / Erbeissen / Bonen / geschelt Gersten / Häsermeel abgebrant / Zwisseln / Vortern / Reis / dörr fischwerck / gefaltzen Fisch / als Hering / vnnnd dergleichen / Saltz eingemacht / saur Kraut / Rüben / Rüe vnd Geyssen / Milch zu haben / Holz zum brande / vorrath ahn Kohn / Holz zum batwen vnd darzeissen / Haw / Stro / Habern zu füttern / Tüch vnnnd Leinwat Kreimer zur kleydung / Schühmacher / Büchsenmenschier / Zimmerleuth / Wagener / Schmide / vnd allerley arbeits volck zum batwen vnnnd vnderhaltung der Besatzung.

Dise oben verzeichniß der Prouiant ist darumb gemeldet / daß es güte speiß vnnnd Victualia inn ein Besatzung ist / vnnnd lang zu halten seind / auch wol vnnnd weit speisen / fürnemlich das gefaltzen fleisch für das erst / Darumb soll ein Besatzung ersilich mit Saltz wol versehen sein / wann sichs zutrugen würd / daß man eilends ein Besatzung speisen müß / so kan man auff dem Land bald Viehe / als Ochsen / Rüe / Schafe vnd anders nemen vnd nider schlagen / vnd mit allem was daran zu essen ist / einsaltzen / vnd darnach verspeisen / Dann soll man das Viehe lebendig darinn behalten / so gieng ein grosse Fütterung vnnnd andere mühe vnnnd vnkosten darauff. Die ander Prouiant von dörrreit vnnnd gefaltzen Fischen / bleibet lang vnuerdorben / daß einer mit rath dauon speisen kan.

Von Erbeissen vnnnd geschelte Gersten seind mit vnder zu speisen / vnd

vnd gibt suppen vnd gemäß besonder für die trancken / vnd ist Prouiant
ant die nicht verdirbt.

Den Keß kan man auch verspeisen / vnd ist Prouiant die auch nicht
verdirbt / vnd ein volck sich wol lang zur noth mit erhalten kan. Die
Botter weisß man wol / daß damit die Küchen erhalten wird / desglei-
chen wann mangel an der andern Prouiant were / vnd Botter vnnnd
brot / besonder gefaltzen Botter hett / so kan man auch bey leben bleiben
vnd sich erhalten.

Die oben verzeichneten Prouiant stück halten sich lang vnnnd ver-
derben nicht / Wie weiter mit denselbigen außzuspeisen / vmbgangen
werden soll / wil ich hernach auch berichten / vnd erstlich das Korn vnd
Weisß / wie das ins brot zubringen sey / für mich nemen / vñ in gewicht /
Maß vnd rechnung vnder das Kriegsvolck aufzuehlen.

Commisß Ordnung / welcher gestalt ein anjal Kriegsvolcks in einer Besatzung möge erhalten werden.

Des sol ein ehlicher / auffrichtiger vnd glaub-
hafftiger Mann zu einem Prouiant Herren geordnet
werden / auch ohn desselbigen rath / wissen vnd willen
nichts handeln noch ändern / ohn grosse eilende vnd zu-
fallende not / dz der Prouiant hern mit zu erlangen wer.

Sum ersten wil ich theylen vnnnd ordnen die maß vnnnd schwere des
brots vnd fleysches / was einem menschen zu seiner leibs notturfft einen
tag zugeordnet soll werden / desgleichen die fütterung auff die pferde /
mit seiner schwere / zal vnd maß.

Item ein Maß von Korn oder Treid wird in disem Land ein Ach-
tel genant / ist vngeschrlich auff 163. pfund angeschlagen / auch heist diß
Achtel noch 8. kleiner maß in sich / derẽ eins vngeschrlich 207. lib. schwer
ist. Auß disem achtel werden 90. brot gebachen / vnd heist eins ahn teyg
2. lib. vnd 13. lot / vnd wann es gebachen ist 2. lib. vnd auß dem kleynen
maß bacht man eylff vnd ein viertheyl eins brots.

Wan von solchen brotẽ einer person ein tag ein brot geliefert wird
so gehn auff 100. person 100. brot / die volgen 200. lib. darnach auff 500.
personen

Ein kurzer bericht

personen 500. brot / die wigen 1000. lib. Ein woch gehen auff 500. personen 2500. brot / die wigen 70. centner / jeden centner zu 100. pfunden gerechnet / vnd thün an Korn 38. achtel vnd 7. meßen.

Ein Monat gehn auff 500. personen (welches 30. tag seind) 15000. brot / das machet 300. centner / vnd thün an Korn 166. achtel vnd 5. meßen.

Ein woche gehn auff 1000. personen 7000. brot / wigen 140. centner / vnd thün an Korn 77. achtel vnd 6. meßen. Thün ein Monat 30000. brot / machen 600. centner / thün an Korn 333. achtel vnd 2. meßen.

Ein tag gehn auff 5000. personen 5000. brot / thün 100. centner / machen an Korn 55. achtel vnd 4. meßen.

Ein woche gehn auff 5000. personen 15000. brot / thün 700. centner machen an Korn 388. achtel vnd 7. meßen.

Ein Monat gehn auff benente personen 150000. brot / thün 30000. centner / machen an Korn 1066. achtel vnd 5. meß.

Ein woch gehen auff 10000. personen 70000. brot / thün 1400. centner / machen an Korn 777. achtel vnd 6. meßen.

Ein Monat gehn auff 10000. personen 30000. brot / machen 6000. centner / vnd thün an Korn 3333. vnd 2. meßen.

Item wann ein abgang an der frucht wer / vnd müß ein Summa volkes ein zeitlang erhalten werden / so mag man dem vorgenannten brot abbrechen / vnd vmb etlich lot ringern / wie es sich mag zutragen an dem getreide.

Das also zu verstehen / so wil ich 1000. personen für mich nemen / die ein woche mit 58. achteln sollen erhalten werden / Nuß ist in dem vorgesehten anschlag vnd ordnung auff 1000. personen ein woche verordnet 7000. brot / deren eins zwey pfund helt / macht 14000. pfund / oder 140. centner / thün an getreide 77. achtel vnd 3. meßen.

Solches zu wissen / so merck / dieweil 1000. personen ein woche 77. achtel vnangesehen der obrigen meßen / bedürffen / so wirdt ein brot 2. pfundt schwere gebachen / wie schwer soll dann eins gebachen werden / wann man ein woche nicht mehr dann 58. achtel hat / Nach dem weß ein jeder / der Regulam De Tri versteht / die dann gemeyn ist / sich wol zu richten / nemlich also / 2. pfund sollen mit 58. achteln multiplicirt werden / das macht 116. die soll man dann um 77. theylen / so kompt / wie schwere das brot soll gebachen werden / vnangesehen das vberblieben in der theylung / nemlich anderhalb pfund schwer / vnd mit diesem brot künden 1000. personen ein woch lang erhalten werden.

• Deßglei

Deßgleichen mag auch im Tagen vnd Monaten geschehen/ oder mit den personen/ wie vor gesetzt ist/ erstlich von 100. darnach 500. vnd weiter hernach siehet in der Ordnung/ ist gleichförmig wie das vorge-
setzt/ auff 1000. personen geschehen.

Weitter kan auch geschehen daß ein gnügen ahn Getreid vnd feyn mangel vorhanden / vnd das Brot mit den zweyen pfunden auff ein person zu klein were / so mag dasselbig wol gemehret werden / daß ein Person ein voll gnügen haben möcht/ vnd kan gleicher gestalt durch ob gemelte Regel De Tri zu wegen gebracht vnd gerechnet werden / wie im abgang mit den 1000. Also kan ein jeder dem jetz gemelte Regel kün-
dig/ sich wol darnach richten.

Weitter ist zu mercken / daß das Maß mit dem Treide an allen or-
ten vngleich ist/ ahn einem ort groß/ vnd ahn einem andern klein/ vnd auch mit dem namen verwandelt/ daran nichts gelegen ist/ dann man soll nichts desto weniger vnderschiedlich sich diser ordnung nach brau-
chen / dann es mag im allen Landen oder Strätten dasselbig Maß in seine schwere gebraucht / vnd nach dem vorgemelten Achtel gerechnet werden/ daß nichts fehlet/ vnd disem anschlag vnd ordnung gleich ist/ Wie man thun soll/ volgt.

Es ist zu mercken/ daß ein jeglich maß ahn allen orten haben kleine maß/ dieselben seind gleich abgetheylt gegen dem grossen/ doch an ein ort mehr dann ahn dem andern/ darnach ein Maß ist/ wird in 6. oder 12. theyl/ auch in 24. oder 36. vnd in 84. abgetheylt/ wie es dann mag ge-
schehen/ vnd solche genante theyl/ wie das nach Lands ordnung genen-
net/ gleich gemessen werden/ der größern eins/ thun solche kleine abge-
theylte maß/ mag eins bald vberschlagen vnd gewigen werden/ wieuill es pfundt hat / doch wil nicht vil daran gelegen sein / daß das gewichte auch vngleich ist / vnd ahn einem ort schwerer dann an dem anderen/ doch nicht also vngleich wie das maß/ dann es hat allenthalben Gens-
ner vund pfundt/ wann schon etliche pfundt mit dem namen verkläret werden/ mag man sich an allen orten wol darnach richten.

Item wann man an ein ort ein maß hat/ welches der kleinen maß 16. inn sich helt/ so soll der kleinen maß eines mit Treide gemessen/ vnd dieselbig gemessen Treide darnach mit fleiß gewigen werden / so wird gefunden/ daß sollich maß in sich helt 15. pfundt/ so thut das ganz maß 15. mal 16. ist 240. pfundt/ so schwer wird das ganz maß mit dem Trei-
de / Nun wie viel soll man jetzt Brot backen auß diesem Maß / dieweil auß einem Achtel gebachen werden 90. Brot / vnd helt

Ein kurzer bericht

an dem gewicht 163. pfundt/wie vor angezeygt/ So soll also gesetzet werden in die Regel De Tri/163. geben mir gebachen brot 90. wievil werden auß 240. gebachen/so werden auß diesem Maß gebachen 132½ brot/ohn die vbrigen pfundt/die mögen eingetheylt werden/ Also mag es auch mit diesem gehalten werden/ wie dann vor geschehen in der Ordnung mit den Achtein/vnd soll das brot zwey pfundt halten/ Also kan es auch mit anderen massen im anderen Landen gehalten werden. Wann nuhñ ahn allen orten Brot zu bachen bestalt wird/ soll man es auff zwey pfundt zu bachen verordnen/so kan man redlich in der Ordnung bleiben/vnd ist allen denen leicht die damit vmbgehen/vnnd geschicht im kauffen einem wie dem anderen/darzu ist gut rechnung dar nach zu machen.

So nuhñ dises alles also (wie oben angezeygt) geordnet ist/vnnd gehet nuhñ gleich also inn seiner Ordnung daher/ so soll ein freier platz bestelt sein/ darauff man solches Brot führet/vnnd niemandt dar auff lassen/ dann wer darzu verordnet ist/ so kan man Ordnung halten.

Drumb hab ich auff 500. personen ein Prouiantmeyster geordnet/ das er das ein jeden Quartiermeyster auff einem platz theyle/vñ das es nach einander (wie sie im Register stehn) getheylt werde/also das es ordenlich nach einander gehe/ damit ein Quartier nicht zweymal bekomme/so das ander einmal oder gar nichts bekompt/vnd an welchem es fehlet/es sey gleich halb oder ganz/soll den andern tag/wann wider Prouiant kompt/widerumb angefangen werden.

Vnd wann nuhñ einem Prouiantmeyster sein anzal mit der zal vber liefert wird/soll er alsdenn dieselbigen Wagen mit dem Brot/so ihm zugeordnet seind/inn sein viertheyl zu seinen 500. Mannen/auff einen besondern platz führen/dieselbst vmb schlagen lassen/vnd das bey den se nigen nemen/so darzu vnd in sein Register gehörig/vnd allenthalben nach gebür gleichmässig auftheilen/nach gestalt wie er das vom Prouiant hern empfangen hat.

Es ist auch wol abzunehmen/ das einer vnder 500. Mann nicht so füglich als vnder 1000. oder 6000. verschlagen kan/darzu ist dem Obersten Prouiant hern leichtlicher mit 200. vmbzugehn/dieweil sie ordenlich stehn/dann solt er mit ganzen hauffen zu theilen vnnd zu handeln haben/bey welchem dann keyne Ordnung (wie ein jeder verstendiger crachten mag) zu erhalten ist.

Vnnd haben dann alle hauffen oder viertheyl/ ein jedes der ihren
auch

auch darben der versicht ein ganz Quartier / daß nicht ein jeder selbst lauffen darff / vnd sich bestellen / sonder hat einen der es für ihn außricht / vnd bleibt er in seiner rühe vnd Ordnung.

Vnd so nuh diß alles (wie gemelt) in wirklichlicher ordnung ist / vnd die Prouiant mit dem Brotgang volgt / soll auch ganz streng darüber gehalten werden / daß gilt bezalung / wie die gesetz / von ein jeden Sänlin oder Register ordiniert / getheilt / vnd vnderscheiden seind / beschehe.

Der Prouiant heri soll auch ihm von einem Prouiantmeister / so er im liefert oder geliefert hat / sein handschrift geben lassen / darmit der Prouiant heri sein Rechnung alle tag ordentlich schliessen mög / darzu ein ganze Wochen seine Rechnung enden mag / seinem Herrn solliches zu überantworten habe.

Item / dem Prouiant herin sollen Diener gehalten werden / die auff ihn warten / vnd das Brot von denen die es bringen / mit der zal geliefert nemen / vnd denen den es gebürt / wider mit der zal liefern / die sollen ihre Besoldung daruon haben / wievil der sein sollen / wird sich nach dem zuschaffen / selbst weisen.

Wie dem fleisch soll ein freier kauff auff einem platz gehalten / vnd vnd ein frey gleiche Schätzung geschehen / vnd einem menschen einen tag ein pfundt fleisch verordnet werden / wanns zu bekommen / vnd kein mangel an viche vnd zimlicher notturfft vorhanden ist / daß ein anzahl volcks mag erhalten werden / vnd wird das viche vngeschrlich angeschlagen (es halt an gewicht mehr oder weniger) wie volgt.

1. Och

1. Ruc

1. Kalb

1. Hamel

1. Schaf

Wird angeschlagen auff

3. Centner

1. Centner

36. pfundt

30. pfundt

20. pfundt.

Nach solchem Gewichte hat man sich nach anzahl des Viehs / nach notturfft vngeschrlich zurichten (wie vom Brot gemelt) ordentlich zu theilen / also daß ein theil nit allern hab / vnd das ander theil nichts hat / dann woh es gleich zugeht / da ist eintrechtigkeit vnd gehorsam / vnd durch ein gleich Regiment kan man gehorsam erhalten / auch mit einem gehorsamen hauffen mehr / dann mit einem vngeschrlichen / außzurichten.

Auff 100. Personen muß man einen tag 100. pfundt fleisch haben / das ist geradt ein Centner / macht ein woch auff 100. Personen 7. Centner

B

ner

Ein kurzer bericht

ner/thüt an Viehe/1. Ochsen/1. Rüe/5. Kälber/1. Hamel vnd 2. Schaf/
sollt viehe muß man ein Woch auff 100. personen halten/ darmit nicht
zuuill oder wenig geschlacht werde.

Item 100. personen einen Monat nach diser Ordnung zuerhalten/
macht 30. Gentner/thüt an viehe wie volgt.

4. Ochsen	} Oder man nemen.	3. Ochsen
4. Rüe		6. Rüe
20. Kälber		10. Kälber
10. Hamel		12. Hamel
9. Schaf.		24. Schaf.

Item auff 500. personen muß man einen tag 5. Gentner fleisch ha-
ben/vnd thüt an Viehe.

1. Ochse	} Oder mag nemen.	1. Ochsen
1. Rüe		4. Hamel
1. Hamel		4. Schaf.
1. Schaf.		

Item auff 500. Personen muß man ein woch 35. Gentner fleisch ha-
ben/vnd macht an viehe.

5. Ochsen	} Oder mag nemen.	3. Ochsen
5. Rüe		9. Rüe
25. Kälber		15. Kälber
5. Hamel		7. Hamel
10. Schaf.		25. Schaf.

Item auff 500. Personen muß man ein Monat 150. Gentner fleisch
haben/vnd machen an Viehe.

20. Ochsen	} Oder mag nemen.	15. Ochsen
20. Rüe		30. Rüe
100. Kälber		50. Kälber
50. Hamel.		60. Hamel
45. Schaf.		120. Schaf.

Item auff 1000. Personen gehn einen tag 10. Gentner fleisch/vnnd
thün an Viehe.

1. Ochsen	} Oder mag nemen.	1. Ochsen
3. Rüe		2. Rüe
5. Kälber		5. Kälber
1. Hamel		4. Hamel
2. Schaf.		5. Schaf.

Item

von einer Besatzung.

VIII

Item 1000. Personen gehen ein Woch an fleisch 70. Centner / thun an Viehe.

7. Ochsen	} Oder mag nemen.	7. Ochsen
21. Rüe		14. Rüe
35. Kälber		35. Kälber
7. Hämel		28. Hämel.
40. Schaf.		35. Schaf.

Item auff 1000. Personen muß man ein monat 300. Centner fleisch haben/macht an Viehe so man zu vnderhalten schlachten muß.

30. Ochsen	} Oder mag nemen.	28. Ochsen
190. Rüe		64 Rüe
50. Kälber		150. Kälber
30. Hämel		120. Hämel
60. Schaf.		150. Schaf.

Item auff 5000. Personen muß man ein tag 50. Centner fleisch haben/vnd thun an Viehe.

5. Ochsen	} Oder mag nemen.	4. Ochsen
15. Rüe		12. Rüe
25. Kälber		20. Kälber
5. Hämel		20. Hämel
10. Schaf.		34. Schaf.

Item auff 5000. Personen gehn ein woch an fleisch 370. Centner / thun an Viehe.

35. Ochsen	} Oder mag nemen.	28. Ochsen
105. Rüe		84. Rüe
175. Kälber		140. Kälber
130. Hämel		140. Hämel
70. Schaf.		238. Schaf.

Item auff 500. Personen muß man ein monat 1500. Centner fleisch haben/machen an Viehe so man zu vnderhaltung schlachten muß/wie hernach volgt.

149. Ochsen	} Oder mag nemen.	118. Ochsen
452. Rüe		364. Rüe
745. Kälber		600. Kälber
152. Hämel		600. Hämel
360. Schaf.		20. Schaf.

B ij

Item

Ein kurzer bericht

Item auff 10000. Personen gehen ein tag an fleisch 100. Centner/
machen an viche so man zu vnderhalten haben muß/wie volgt.

10. Ochsen

30. Rüe

50. Kälber

10. Hämel

20. Schaf.

Oder mag nemen.

8. Ochsen

24. Rüe

45. Kälber

40. Hämel.

59. Schaf.

Item auff 10000. Personen muß man ein woch 700. Centner fleisch
haben/vnd machen an Viehe.

70. Ochsen

210. Rüe

350. Kälber

70. Hämel

130. Schaf.

Oder mag nemen.

56. Ochsen

68. Rüe

315. Kälber

280. Hämel

413. Schaf.

Item auff 10000. Personen muß man ein Monat 3000. Centner
fleisch haben/vnd machen an Viehe.

300. Ochsen.

900. Rüe

1500. Kälber

300. Hämel.

600. Schaf.

Oder mag nemen.

240. Ochsen

720. Rüe

1315. Kälber

280. Hämel

413. Schaf.

Wann aber nicht eben also vorhanden/wie hieoben gemelt/sonder
an etlichem Viehe ein abgang oder mangel wer so mag man ein auff-
wechsel mit Ochsen/Rüen/Hämeln/Schaffen vnd mit andern viche
machen/wie der auffwechsel sein soll/volgt.

Erstlich für einen Ochsen mögen 2. Rüe genommen werden/vnnd
für 2. Rüe mag man 5. Kälber oder 6. Schaf nemen/Item für ein Rüe
mag einer 5. Hämel/oder 3. Hämel/5. Schaf/oder 1. Hämel/6. Schaf
nemen.

Item für 2. Hämel mag einer 3. Schaf/vnd für 4. Hämel 6. Schaf
nemen/darnach kan ein jeglicher/wann ein abgang an etlichem viche
were/sich richten.

Wann es sich nuh zutrüge/das mangel an fleisch oder viche were/
vnd der anschlag einen tag einer Person ein pfundt fleisch nicht ertra-
gen wolt/sonder geringert/vnnd zwo Personen einen tag ein pfunde
Fleisch geordnet würde/so mag man sich auch nach jetzt beschriebe-
ner Ordnung halten/einen tag zwo Personen ein pfundt Fleisch
das in vorgesetzter Ordnung/oder halb theil einen tag oder die wo-
chen/

chen/vnnd auch des Monats / darnach sich ein jeder verständiger wol wird wissen zu richten/ desgleichen auch wann drei personen ein tag ein pfundt fleisch verordnet würde/so ist das drittheil in bemelter ordnung zu nemen/wie dann ein anschlag mag geschehen.

Wo nuh weiltter Bestallung von nöten / hat sich ein jeder verständiger angefangner Rechnung nach zum besten vnd nach notturfft zu richten.

Es sehe mich auch für gut ahn / woh man des Viehs ein grosse anzahl hett/ das alsdann dasselbig nit vber einen hauffen geschlacht/ sonder wo weyde vorhanden/darinn geschlagen/ vnnd nach notturfft geschlacht würde.

Vnnd was von viche auff den Feinden erobert wird/soll man dem Proutantmensier/so man das zu verkauffen gemeynit/ zuuor anzeigen damit solches von im was billich vnd werth ist/ gescheht werde.

Wo auch einer vor sich selbst ein stück zehen oder zwölff erobert hett/ vnnd wolt solches für sich selbst oder seinen Herren behalten/ wer nicht hoch anzusechten/ die weil es nicht grosse hauffen weren.

Folget die Fütterung auff die

Pferdt / vnnd ist einem jeden Pferdt ein tag vnd

nacht ein Mehen Habers / mit der es sich zimlicher

notturfft leiden mag/ vnd sonderlich in

solcher tapffern anzal/züge

rechnet.

Est zu mercken (wie vorn gemelt) mit dem maß / das im brot bach an allen orten vngleich ist/ So hab ich ein Schäffel / das vor ein Achtel ist genemit worden/für mich genommen/vnnd an gewichte geeicht/ vnnd ist 14. pfundt schwer / vnnd helt noch 12. kleine Mehen in sich / der eine ist 12. pfundt schwer/ Der ein pferdt einen tag zimlich gnüg hat / darauff ist dise nachuolgende rechnung gestalt.

Erstlich auff 100. pferde gehn ein tag 100. Mehen Habern / die thün 100. pfunde/ vnd machen 8. Schäffel vnd 4. Mehen.

B iij Ein

Ein woch gehn auff 100. Pferd 700. Mehen / thün an gewicht 840. Gentner/vnd 58. schäffel 4. mehen.

Ein Monat gehn auff 100. Pferd 3000. Mehen / thün an gewicht 360. Gentner/vnd 250. schäffel.

Item auff 500. Pferd gehen ein tag 500. Mehen / thün an gewicht 60. Gentner/vnd 41. schäffel / 8. mehen.

Ein Woch gehn auff 500. Pferd 3500. mehen/thün an gewicht 420. Gentner/vnd 291. schäffel / 8. mehen.

Ein Monat gehn auff 500. Pferd 15000. Mehen / thün an gewicht 1800. Gentner/vnd 1250. Achtel.

Item ein tag gehn auff 1000. Pferd 1000. mehen / thün an gewicht 120. Gentner/vnd 33. schäffel / 4. mehen habern.

Ein woch gehn auff 1000. pferdt 7000. mehen/thün an gewicht 840. Gentner/vnd 58. schäffel / 4. mehen habern.

Ein Monat lang gehn auff 1000. Pferd 30000. Mehen/thün an gewicht 3600. Gentner/vnd 1500. schäffel habern.

Item ein tag gehn auff 5000. Pferd 5000. mehen habern / thün an gewicht 600. Gentner/vnd 416. schäffel / vnd 8. mehen habern.

Ein Woch gehn auff 5000. Pferd 35000. Mehen / thün an gewicht 4200. Gentner vnd 2916. schäffel / 8. mehen habern.

Ein Monat gehn auff 5000. Pferd 15000. Mehen habern / thün an gewicht 18000. Gentner/vnd 15500. schäffel habern.

Item auff 10000. pferdt gehn ein tag 10000. mehen habern / thün an gewicht 1200. Gentner/vnd 833. schäffel / 4. mehen.

Ein woch gehn auff 10000. Pferd 70000. Mehen habern / thün an gewicht 8400. Gentner/vnd 5833. schäffel / 4. mehen.

Ein Monat gehn auff 10000. Pferd 300000. Mehen habern / thün an gewicht 36000. Gentner/vnd 25000. schäffel habern.

Wo nuh ferner Bestallung vnd Füttering zu Pferden von nöten / wird ein jeder obbeschriebener Rechnung nach / sich zu richten wissen / Also mag man den Wein vñd alles was ihnen zukompt gleich vñder das Vold theilen.

Item wann einem Pronquantmehster seine summa gelieffert wird / soll er als bald bezahlen / oder sie zu friden stellen / souil er schuldig ist / vñd wann ers nicht bezahlen wolt / auch die jenigen denen es zusteht / nicht zu friden stellet / vñd sich darmit behelffen / man soll in der Ordnung bleiben / vñd einem nach dem anderen zu liefferen schuldig sein / soll es ihm nicht nachgelassen / sonder einem andern zügetheilt werden /
der

der es bezale/vnd in dem Register nachgeht/ vnd den andern gleich
einschreiben/ als wann er der Ordnung nach verricht were/ vnd seine
verschmiff in statt seiner gebührender lieferung schreiben.

Item Guts/Hüner/ vnd solch gering Viehe/mag ein jeder wo er
hin wil/auff ein freien Markt/da es ihm gelegen vnd gefellig ist/tra-
gen.

Item auff einem freien Markt soll man ein strenge Ordnung hal-
ten/ damit kein müßwilliger gewalt/ sonder gute bezahlung geschehen/
so wird man gnuß zufüren.

Wann ein grosse name Vihes zuwegen bracht/ vnd nicht so bald in
gemelte Ordnung getheylt wird/so were es gult/das die Obersten ein
solche verfassung vnd vorrath an Salz bey der hand hetten/das sol-
ches fleisch oder Viehe/ wann es in der Wende nicht zu erhalten were/
geschlacht/ vnd inn Fässer in das Salz eingelegt/ vnd biß zur noth ge-
spart/wann an der Proviant fehlen wird / alsdann hat man daruor
fürzustrecken/ vnd ist auch nicht zu besorgen/ das die Nothur von sol-
chem fleisch komme / wann es wider sauber gewaschen wird/ ehe denn
man es kochet.

Diese gemelte Ordnung ist nicht alleyn inn einer Statt/Schloß/
oder Flecken/sonder auch in einem Feldzug zu brauchen/wie im Büch
der Kriegshämpfer/ inn des Proviantherien versehen weitläufftiger
angezeigt ist.

Die Regierung des Kriegsvolcks soll erstlich nach ihrem Artickels
Brieff bleiben/ wie von alters/ vnd ein besonder bundt vorm eingang
vnd verpflichtung geschehen/ Vnd soll ein Besatzung weiter dann ein
ander Kriegshordnung versehen vnd verbunden werden.

Dies sind die Artickel/ so in ein Besatzung gehören.

Wann einem Obersten ein Besatzung über-
geben vnd zugestalt wird/soll er sein Kriegsvolk/das
er hat/ zusamen beruffen/ vnd sagen/ Lieben Brüder/
vnd Gefellen/ N. unser Herr hat mit dise Besatzung in
gütem vertrauen zugestalt/ vnd dieselbige zu verwarn
vnd zu behalten beuohlen/ mit solcher pflicht wie jr hören werdet.

Ein kurzer bericht

Erstlich sielt er mir die Befestung zu / daß ich sie inn mein vertrau-
rung nemen / vnd mit allem wie sichs gebärt / mir lassen beuohlen sein /
gleich wie Christus sein liebe Mutter seinem vertrauerten Jünger am
stam des Creutzes beuohle / Vnd die Befestung in keynes andern Her-
ren händen durch giffte / forcht / lieb / gunst oder haß / nichts außgenom-
men / wie das mag genent werden / kommen lassen / sonder darinn blei-
ben / vnd inn meiner warnung vnd hülte halten / wie S. Johannes auff
Christi beuelch vnd vertrauen sein liebe Mutter name / vnd bey jr blie-
be vnd verewart biß in todt / Also soll ich in diser Befestung auff beuelch
meins Herin bleiben / mich beschiesen vnnnd stürmen lassen / vnnnd was
mir derhalben von dem Feind züficht / alles vnangesehen / mich biß ich
mit gewalt vnd mit den Harn her auß gezogen / vnd mir mein leben ge-
nommen wird / wie einem ehrlichen Kriegsmann gebürt vnd züficht /
wehren vnd halten / Dar auff hab ich solchs angenommen / vnd mei-
nem Herin darüber handtrew geben / vnd mein Seel daruor versetzt /
vnd einen leiblichen Eyd zu Gott vnnnd seinem heyligen wort geschwo-
ren. Dieweil ich solches angenommen / mein seel / leib / ehr vnd güt / wie
gehöret / daruor versetzt / So wil ich (wils Gott) demselben also nach
sehen / so lang mein leib vnd leben wehret / vnd mich in dem mit Gottes
hilff halten / wie mir mein Herr vertrauet / vnnnd inn dem thün / wie ich
verpflicht / vnnnd einem ehrlichen Kriegsmann gebüret vnnnd wol an-
siehet.

Darinnb / dieweil ich mich dahin begeben / vñ mir so ein hoch psand
dar auff sieht / so wil mein groß notturfft erfordern / mich mit ehrlichen
vnd mannlichen personen zu versehen / die gleicher gestalt mir inn sol-
chen ehrlichen vnnnd sorglichen handeln behstehen / dieweil ich euch als
ehrliche Kriegfleuth / die vñb ehrlicher vnnnd Ritterlicher thaten auß
seind / die zu suchen vnd halten / erkenne / so hab ich euch derhalben vor
andern erwöhlte / vnd zu mir genommen / vnd bey euch zu bleiben / leben /
sterben / vnd halten wie ehrlich vnd Ritterlich Kriegsuolt / Dann zu
Gott beuor vnnnd zu euch verhoffe ich / daß wir solche Befestung mit
Gottes hilff für vnserem feind erhalten wöllen / vnnnd dieselb vnserem
Herin / wie er sie vns vertrauet hat / wider oberantworten / vnnnd lob /
ehr vnd danck daruon erlangen.

Welche nuh der ehren sein wöllen / vnd neben mich in solche Bese-
stung (wie gehöret) begeben / die treten zu mir / so wil ich sie beschrei-
ben / vnd wie ehrlich Kriegfleuth halten / welche aber das zu thün nicht
gemüt / die zengen das inn der zeit an / dieweil sie noch frey seind / so wil
ich

ich sie ziehen/vnnd Krieg suchen lassen/die für sie seind/vnnd mich mit den andern ehrlichen Gefellen / einer gebürlichen Ordnung vnd was darzu gehört/vergleichen/der gestalt daß wir zu Gott verhoffen/zu sie hen wie ehrlich vnd Ritterlich Kriegfleuth.

Wann sie sich dann also inn die Besatzung begeben/vnnd ein theil wie das ander wil/soll der Capitan oder Oberster solche/so bey im bleiben wöllen/zu sich nemen/vnnd sagen/Lieben Brüder vnd Gefellen/dietweil ich bey euch befunden/daß ihr euch wie ehrlich Kriegfleuth in dise Besatzung begeben wolt / so wil ich mich mit euch einer Ordnung vnd Regiment vergleichen / damit/wann wir im werck seind / nicht erst mit einander disputiern/sonder einer meynung seien.

Drauff soll der Oberst sagen / Lieben Brüder/ Ich hab nit vnderlassen/ sonder mit rath meins Herrn vnd anderer Kriegsherrschenden ein Regiment vnd Ordnung/so inn ein Besatzung gehört/zu stellen/welchs vns dünckt daß es notwendig vnnd billich sey/damit wir eyrig vnd in die leng bey einander bleiben/vnd vnser e beuelch mit Gott vnd ehren wol aufrichten künden / so wil ich euch solchs alhie sehen / vnnd mit berathschlagen lassen/ob das etwann möcht gebessert / vnd damit nichts was vns gebürt vbersehen werde/ vnd dasselbig ihnen vorlesen/vnd weiter berathschlagen lassen.

Innhalt der Ordnung / so zum ersten in ein Besatzung von nöten ist.

Erstlich ist die Besatzung mit souil wehrhaftigs Kriegshuolcks vberschlagen / vnd ein jede wehre zal vnd maß Kriegshuolcks geordnet / wie jr dieselbe ge hernach sehen werd.

Zum andern/ist einer jeden wehre jr eygen vnnd besonder Geschütz/vonden vnd oben/was sie mit aller zugehör bedörffen/zugeordnet.

Zum dritten ist zu solchem allem Geschütz groß vnd kleyn/souil Puluer/Kugeln/Vley/Salspeter/Schwefel/Kolin/Bech in vorrat/daß wir nach der Rechnung ein güt notturfft haben/souil wir bedörffen.

Zum vierdten/haben wir ein güt Puluermälin mit aller zugehörenden Rüstung.

Zum

Ein kurzer bericht

Zum fünfften/ ein güt Bratwauß mit aller seiner zugehör.
Zum sechsten/ ein gütten Backofen mit allem was darzu gehört.
Zum siebenden/ Holtz/ souil als man nach notturfft von nöten.
Zum achten/ ein gütten vorrath Kolen.
Zum neundten/ gnüg Ross vnd Handmülen.
Zum zehenden/ ein vorrath von grobem batwholz zur not/ damit zu darressen vnd zu batwen.

Zum eylfften/ souil Rüstung zu batwen/ als Harven/ Schauffeln/ Echseln/ Bickeln/ Karren/ Moltern zu tragen vund zu führen/ so man mit erden batwen vnd darressen muß.

Zum zwölfften/ so ist der Baro der gestalt gemacht/ daß er mit Gottes hülff lang für gewalt zu erhalten ist.

Zum dreizehenden/ souil Büchsenenster.

Zum vierzehenden/ souil Zimmerleuth.

Zum funffzehenden/ souil Schmidt.

Zum sechzehenden/ souil Schneider.

Dise obgemelte stück vnd Arbeitsleuthe haben wir inn der Besatzung/ daß nichts daran mangelt.

Wann nach solchem vorhalten das Kriegsvuolck bewilligt/ bey ihn in der Besatzung zu bleiben/ soll der Oberst zu ihnen sagen/ Ruh die weil ihr dann bey vns zu bleiben/ vund als Ritterlich Kriegsvuolck mit vns bewilliget/ so habt ihr den vorrath/ so wir haben/ gehört/ so ist die Prouiant/ nechst Gott/ das höchst hauptstück vnserer vnderhaltung/ vnd ohn dieselbig (vnd Gott beuor) die Besatzung nicht kan erhalten werden/ darumb wöll'n wir Gott für andern nottürfftigen stücken beuor halten/ als mit Gottes dienst vnd gebet/ Dann wo Gott nicht sein Götliche gnade/ die wir mit beten vund anruffen erlangen/ gibt/ so ist vnser thün vmb sonst.

Weitter soll das vbel fluchen vnd Gottslästern/ dardurch Gott erzürnet/ vnd weiters nichts außgericht wird/ nicht gestatt werden/ daß es nichts anders dan ein müßwilligs vnd frevellichs vornemen ist/ Die weil wir dann also in grosser gefahr seind/ vnd ohn Gottes gnad nichts künden aufrichten/ so müssen wir weg suchen die zu vnser sachen dienstlich/ damit wir Gott zu vnser hilff vnd beystand erlangen/ Darzu für das erst/ will die Gottslästern gar nicht gnade zu erlangen/ dienen/ sondern dardurch Gott hoch erzürnet wird/ Wann wir dann Gott so hoch erzürnen/ so dörffen wir vns keiner gnad/ trost noch hilff verfehn/ Darumb soll die Gottslästern gar nicht zugelassen/ sonder hart gestrafft

strafft werden/dann Gott solt durch einen Gottolästerer/ so der vnder einem hauffen were/ vnd im gestatt vnd zügelassen würd/ den ganken hauffen straffen / Derhalben soll solchs der fürnemblichst vnd erst Artikel sein zu straffen.

Der ander Artikel ist/ daß man die Prouiant mit gleicher maß außtheil vnd wol ordne/ einer jeden personen zu geben/ darnach man mit dem vorrath gefast ist.

Zum dritten soll das vberflüssig zütrinken/daß einer vber noch ein tag trincket/da er wol zwen mit gnüg hett/ vnnnd dardurch vngeschickt mit allen lastern wird/ vnnnd nichts darbey aufrichten kan / verbotten sein/ Dann man sagt/daß einem truncken Mann nichts zu beuechlein noch zu vertragen/dann er seiner nicht allezeit mächtig sen/welchs ein grosser mangel in zeit der not ist.

Zum vierdten/ soll ein Oberster den Knechten nicht gestatten/daß sie engen hüren haben/dann es hefftig wider Gott/ vnnnd bringt grossen vnwillen vnd balgen vnder den knechten/ vnd macht einen grossen Drosß vnd vnkosten/ vnd gehet vber die Prouiant/da dann hoch angelegen ist/ dann in einer besatzung aller vnkosten mit vnnwehrlastigen vnd vnnötigen volck zu verhalten/ Wo aber einer sein Eheweib hett/ soll sie nicht für sich allein sein/sonder ein verschung in der Besatzung haben/ als mit waschen/ kochen/ der Kranken warten/ darvon soll sie ihre gebürliche Belohnung haben / Wo derhalben nicht solche Weiber weren/ soll der Oberst andere Weiber zu solcher notturfft verschaffen vnd ordnen/ dann die Knecht Wäscherinn vmb ihre gefasste belohnung haben müssen/ desgleichen die franken Weiber/ die ihrer warten vnd kochen.

Zum fünfften/ soll der Oberst ein Garkoch ordnen/der dem Kriegß volck/ die nicht engen Köch halten künden/ ihre lieferung/ die man inen auß der Commisß gibt/ vmb ein gefasstes kochen / desgleichen soll sollichem Garkoch sein gebürendes / vnnnd zu der notturfft Holz auß der Commisß geliefert werden/ Doch soll man (so deren von nöhten) andere Garköch haben/ die ihre eigene Köch halten/ vnnnd vmb den pfennig oder Maßzeit geben/ den soll man auch auß der Commisß für ihre bezahlung liefern / so das ahin vorrath vorhanden/ das kompt dem Herrn der Besatzung wider so gutem / Wolt aber ein Koch seine Prouiant selber bestellen/ das mag ein Oberster ihm zulassen / doch daß er sich vnder seinem Regiment halte.

Zum sechsten/ soll man mit dem Tranck auß der Commisß mit maß
vnd

Ein kurzer bericht

vnd Ordnung speisen/einer jeden Person ihre zugehörnde geordnet
theil/ so einer das allein zu haben begeret/ geben/ wieuol dasselbig
schwer ist/aber auff die Kotten zu geben/das ist leichter vnd richtiger/
darumb mag man das brot auff die Kotten geben.

Vnd was einem an der Commisß außgeben/das soll ihm nach auß-
gang an seiner Besoldung abgezogen werden/Vnd soll der Prouiant
meyster vber die Commisß alle Wochen mit allen Kotten abrechnen/
vnd dieselbige Rechnung schließen/vnd dem Obersten bringen vnd
lieffern/damit der Oberst mit dem Kriegßuolck seine abrechnung ma-
chen künde.

Zum sibenden/soll man in der Commisß mit dem brot bachen/güte
Ordnung halten/vnd nicht mehr bachen lassen/dann was von einem
gebach biß zum andern abgethet/Vnd mit den Gartüchen bestellung
machen/nach dem es der vorrath vermag vnd leiden kan.

Zum achten/so ein Befestigung der gestalt were/das man mit Ross
oder Handmülen malen müß/ dann soll man sich mit Pferden dar-
nach richten/so vil die Mülen malen künden/vnd sie in der Befestigung
bedörffen/darnach auff solche Rechnung vnd maß soll die Rechnung
gemacht vnd geordnet werden/Wann aber die Rossmülen nicht ge-
nüg malen künden/vnd darbey Handmülen von nöten/sollen dieselbi-
gen Handmülen mit volck/die zu treiben/versehen/vnd die Rechnung
auch darauff wol gemacht/vnd in die Kotten getheilt werden/wie vil
ein jede malen soll/vnd wann ein Ross außgemalen/das alsdā nach
der ordnung/andere (so derer von nöten) antretten/vnd also weiter/
nach dem es die notturfft erfordert/auch sol man denen/so gemalen/et-
lich brot für ihre arbeit geben.

Zum neundten sollen alle Kottmeister verpflichtet sein/so bald auß
seiner Kotten einer krank wird/vnd nicht wachen/oder anders/was
im gebürt/versehen kan/oder das er sterben würde/dem Obersten an-
zeigen/damit er allzeit wiß/was sein abgang ist/vnd seine Wacht Pro-
uiant vnd Platz/daran derselbig verordnet gewesen/wider besetze vnd
in seiner Ordnung bleib.

Zum zehenden/soll der Oberst mit den Wachten oder Zügen ordent-
liche stund halten/desgleichen das die Gartüchen vnd Weinapffen
bey zeit zügenhan werden/damit die Knecht einander bey nacht nicht
voll machen/vnd zur not nichts aufrichten künden/Darumb soll der
Oberst zeitlich vmbgehn/vnd besehen das die Ordnung wol gehalten
werde/vnd die Knecht vnd Kriegßuolck erinnern/was sie zu thun ha-
ben/

ben/ vnd was nicht auff den Lehen ist / mit vmbföhren/ alle ding zu besichtigen / wo etwas zu barcken vnnnd zu darieffen/ oder sonst von nöten were/ auch wo etwas mit schieffen zerbrochen/ daß demselbige mit darreffen wider begegnet würde/ als mit blinden Gräben/ die mit Feiwer/ Puluer/ Sprengwerck/ Pfelen/ die mit eisen spitzen beschlagen seind/ Creutzhepeln/ Sprengfaß/ Sprengtugeln/ Sprengton mit Kalk/ zum dampff vnnnd was weiter darzu gehört / wie das hernach mit weiterem bericht vnd augenscheinlichen Figuren angezeigt wird.

Weiter wil in einer Besatzung oder Festung wol bedacht vnd versehen sein / daß man souil Geschütz / als möglich / in die Leger richtet/ desgleichen in die Schanzen/ dann es ein groß vnruhe macht/ wann man in die Schanzen vnnnd Leger scheußt / So wil auch darauff gesehen sein / wann man ein starke Besatzung von Kriegsvold haben möcht/ dz sie zu gelegenheit in die Schanzen aufffallen künden / wann man dann also in die Schanzen fiel/ vnd die im Leger die shren in der Schanzen entsetzen wolten / soll alsdann das Geschütz auff solchen lauff gerichtet werden / damit man ihnen das geleid zum anzug vnd abzug gebe / aber im anfang wann man die Befestigung macht / soll solches versehen / die Wehren darnach gemacht vnnnd geordnet werden/ wie im Buch der Architecturn dasselbig mit seinen gründen vnnnd brüchern (wills Gott) gemelt vnd außgeführt soll werden.

Es soll auch ein Oberster fleißig achtung haben / daß kein Brieff auß der Besatzung geschriben noch geschickt werden/ ohn des Obersten wissen vnd willen / vnd wann der Oberst etwann einem außnotwendigen vrsachen schreiben auß dem Leger zu thun betwilligt / soll er solliches zuuor besichtigen oder lesen / vnnnd dann nach seinem gefallen hinaus schicken lassen / doch soll solches schreiben in hehsein des Obersten versigelt/ zügemacht vnd vberschrieben werden/ vnd soll dann der Oberst sein Secret auch drauff trucken / vnd den eussersten Wachten beuelhen/ wo sie einen bekommen/ der Brieff auß der Besatzung trüg/ vnd des Obersten Secret nit darauff getruet were / daß sie denselben mit dem Brieff zum Obersten füren / wann aber des Obersten Secret darauff getruet were/ sollen sie denselben passieren lassen.

Desgleichen wann sie einen bekommen/ der Brieff in die Besatzung tragen wolt/ sollen sie denselben mit den Brieffen zum obersten füren/ vnd zu leynein andern zuuor gehn lassen.

Vnnnd wann sich einer in ein solche schwere Besatzung geben wil/ soll er sich zuuor mit seinem Herren vergleichen / wo er zu hart genöth-

S get

Ein kurzer bericht

get würde/das er sie wöll entstehen/doch nicht desto weniger/wie sie nit
entsteht würden/sollen sie sich doch halten so lang als sie künden/vnnd
wie ehrlich leuth thun.

Folget ein bericht von di- sen Figuren.



Die erste Figur so mit ziffer 20. verzeichnet/
ist ein Darreß/wann ein lücke in ein Befestung geschos-
sen oder gedöfftet wird/das man sich störmens besorget/
so kan man mit solchen Creutzhäßeln vnd Pfalbäumen
ein loch behend vnd in der eil zu legen vnd verdarissen/
vnd so eines in das ander/oder Creutzweiß vber einan-
der geworffen wird/dann kan keyner die von einander ziehen/wie zu
gedencken ist/auch ist es güt/wann etwan an einer Befestung die grä-
ben gedöfftet würden/das einer dardurch hinein kommen möcht/soll
man solche Creutzhessel vberzwerch etlich mal darinn legen/besonder
vor die streichwehr/wann dann ein Kriegsuolck schon in die Gräben
fielle/alsdann künden sie für den Creutzhesseln nicht fort oder zusam-
men/sonder sie werden dardurch gedrennet/welches auch nicht ein
kleyner nachtheil einem Kriegsuolck ist/das gedrennet sicht/vnd key-
ner dem andern zu hilff kan kommen/sonder sicht das er von seinem
Gefellen gescheiden ist/vnd keyner hilff von ihm zu hoffen noch zutrö-
sten hat/Dann ich hab gesehen vnnd mit gewessen/das man einen
Storm zu thun verordnet hatt/vnd seind Zwerchmauren durch einen
drocken graben herüber gangen/haben die Obersten vnd Hauptleuth
nicht störmern wöllen/dieselbigen zwerchmaurn seien dann zuvor ge-
schossen/gebrochen vnd gedöfftet/vnd ich als die zeit Artoloreimeyßer
hab

hab die zuvor schieffen vñnd brechen müssen / so hab ich das an andern stürmen auch mehr gesehen / was vor verhinndernüß vñnd schaden die zertrennung bracht hat.

Vñnd wann einer solche Creutzhüßel oder Psel machen wil / soll er einen Baum / so lang einer haben wil / vñnd tragen vñnd handeln kan / nemen / vñnd denselbigen in die vierung machen / vñnd auff beyden seiten mit einem grossen Börer löcher dardurch boren / doch die löcher verwechseln / daß sie geschrenckt zu beiden seiten kommen / wann man die Psel darinn schlecht / wie die Figur anzeigt / darzu soll man einen grossen eyßern Börer machen lassen / vñ solche Psel sollen bey der mitte ein dicke haben / darmit sie nicht zu weit oder zu wenig durchgehen / vñnd in solliche dicke soll ein absatz gemacht werden / wie die Zimmerleuth ihre Zugmügel machen / Darumb wann einer sie wil in den Baum schlagen / soll er sie mit einem auffsatz vñnd handstempel darinn schlagen / darmit die spizen nicht zerschlagen werden / vñnd wann man sie wider wil herauß schlagen / soll man ein holz wie die Nagelisen machen / da man die Nagel wider mit zurück schlecht / vñnd darmit herauß thun / daß die spizen ganz vñd gut auff beyden seiten bleiben / auch sollen die spizen vornen gebreitet werden / so bleiben sie lang hart vñd gut / Dieser Creutzhüßel oder Pselbaum / wie man sie nennen wil / sollen gnüg kurz vñd lang gemacht werden / vñnd in zeit des friedens soll man solch Rüßung auß einander schlagen / vñnd veruahrlich in ein Zeughaus / biß zur zeit der not hinlegen / die dann in vil weg zu brauchen ist.



Die 21. Figur ist ein Wolnsack den man vor das schieffen stühenckt / vñnd solche fült man mit Woln / Hart oder gronmet auß / was zu bekommen ist / vñnd verbinde die mit schindren oder senlen / wie die Figur anzeigt / vñ solche Seck henckt man an ein ort oder mauer die man nit gern zerschossen hat / das helt vñnd bricht dem schieffen

sein krafft / daß es nicht hart angehen kan / besonder wann die Seck nicht hart an der mawren hangen / sonder schweben / dann es helt dem schoß nicht wider / sonder es weicht für der Kugeln / vñnd bricht ihm die krafft.

§ II Desgleichen

Ein kurzer bericht

Deßgleichen mag einer solche Seck / wie sie gefült seind / auch für die löcher oder lücken so die geschossen würden / vorzutvallen vnnnd zu hindersehen / dann es mag leicht daß einen Storm verhindert / Vnd dietweil man sagt / einer soll wolffseck fürhencken / soll es nit dahin verstanden werden / daß sie mit Woln müsten außgefült sein / sonder einer mag Harv / Stro oder was man hat / darin thun / sie heysen nur wolffseck.



Die 22. Figur oder Ton soll man mit einem zerfallenen vnd mälligen Kalch füllen / vnnnd in derselbigen Ton in der mit im Kalch soll ein Erdener Dopff oder Haffen stehn / vnnnd oben ein loch haben / daß man ein eysern Rör darinn stecken kan / oder die Rör soll eines Daumens weelt sein / vnnnd den Haffen soll man in die mitte der Ton setzen / das mach also / Fülle die Ton mit gestoffenem Kalch nicht gar in die helfft / vnnnd setze dann den Haffen mit dem Puluer in die mit dar ein / vnnnd fülle den Haffen mit Kalch neben vmb auß / man soll zuvor die eysern Rörn mit Feuerwerck / wie man die Trachteten macht / auß füllen / vnnnd zum hertesten schlagen wie man die Trachteten schlecht / vñ wann die Rör gefült / geschlagen vnnnd zugericht ist / am kleynsten ort in ein warm Bech stossen / doch daß das loch an der Rörn nicht mit zuge macht werd / sondern nur neben herum vnd also weich in den Haffen gesteckt / vnnnd neben herum / verbicht vnnnd vermacht / alsdenn mit Kalch gar biß an den andern Bodem außgefült / durch solchen bodem sollen drei Rörn gehn / darnach die Ton oder Fass hart züschlagen / vnnnd die Rörn mit einem Leder fest zugebunden / daß nichts heraus fallen kan / wann solliches geschehen / soll man die Ton verwart biß zur zeit der not hinstellen / vnnnd wann man stürmen wil in die blinden oder verborgen Gräben legen / verborgene / verdeckte vnnnd lauffen

de Feuer

de Feuer darzu machen / So soll der lufft also gemacht werden / erstlich soll man ein Holz (wie es die notturfft erfordert) nemen / das auff einer seiten wie ein Kendel oder Rinde aufharven / vñnd darauff ein brettern Deckel machen / darinn löcher boren / daß die Röhrn darinn gehen / darnach den Kendel gar voll saules Puluers thun / den Deckel darauff legen vñnd zünageln / dann in einen blinden Graben oder Zwinger / da man stürmen soll / legen / vñnd die Kalchtonnen dann auff des Kendels deckel / vñnd die Körn an den Tonnen in die Löcher so in dem deckel sind / setzen / daß die Tonnen auff dem deckel stehn. Also mag man souil Faß neben einander / als die notturfft erfordert oder souil derer seind / stellen / wann das volbracht ist / so mag einer die mit Erden / Stro / oder was man hat / verdecken / wann mit dem Storm ein einfall geschehe / soll man nicht anzünden / es were dann die menge darinn / wann dann also der hauff vñnd getrenge da ist / soll einer das das darzu zügericht ist / an einem ort anzünden / so laufft das Feuer in dem Kendel furt zu allen fassen / vñnd zündt eines nach dem andern an / Dann kompt das Feuer in das puluer in den Tonnen / schlecht die von einander / treibt den Kalch zu staub vñnd dampff / daß man weder sehen noch sehn kan. Es mag einer auch Risselsteyn zu dem Kalch in die Tonnen thun / die schlagen auch vmb sich / oder mag ein Ton gar voll steyn ohn Kalch vñnd desio mehr puluer darzu thun / so schlecht es desio stärker / wann das recht gemacht wird / so macht es ein wißten Dampf / blenden vñnd schlagen / Darnach ist zu dencken vñnd zu sehen daß sie recht zügericht werden / wie dise zwo Figuren eine mit 22 die ander mit 25. verzeichnet / außweisen vñnd anzeigen / wie die Tonnen / oder Fässer gemacht vñnd zügericht sein sollen / desgleichen wie man die setzen oder legen soll / vñnd wann die Tonnen auffrichtig stehen / so können sie mehr vmb sich schlagen dann wann sie auff einer seiten liegen / wann sie auff der seiten liegen / so schlecht die seit darauff sie liegen / vñnd der sich in die Erd / wann sie aber auffrichtig stehen / so seind ihnen alle seiten außzuschlagen frei.

Die 23. Figur zeygt an wie man Bechring die man zum stürmen braucht / vñnd dem Volck an die Halsß wirfft / machen soll / vñnd erslich soll man leyenen Tsch nemen / vñnd darauff lange Seet wie Würst / vñnd zwen Finger weit machen / vñnd mit einem saulen Puluer oder Zeug aufffüllen / vñnd der zwen vmb einander drehen / wie die Figur anzeyget / wann das geschehen / daß sie zusamen geschlossen seind / soll man die in einem warmen Schwefel vñnd Harz durch einander ge-

Ein kurzer bericht



schwelt wol tauffen/ vnd so warm ein
Flachs oder hanff darumb binden/ vñ
wie zuvor tauffen / man soll die Seck
an zweyen orten mit zweyen Zipffeln
gegen einander inn dem zusammen
winden / vñd an zweyen orten für
gehn lassen / wann man sie brauchen
wil / so schneidet man die vorgehan-
ten Zipffel fornen auff / vñd zündet
sie bey denselben zweyen Zipffeln an/
vñd wirffet sie vnder das Volck im
sturm.



Die 24. Figur ist ein gebachene Kugel von
Haffen erden / vñd soll 8. Zöl dick oder groß/
vñd 4. Zöl hol / an Zeug 2. Zöl dick sein / vñd
ein langen halß mit zweyen Röhren / vñd ein
loch eins kleinen Fingers weit dardurch gehen
haben / vñd vñden enger dann oben sein / auch
wol gemacht vñd gebachen werden / dar-
nach mit gutem Puluer biß an eygen halß/
oder wol ein zwerg finger in die enge des halß
gefüllt / alsdenn soll man ein faulen gestoffen
Zeug der langsam brennet / nemen / vñd die Röhren etwam zwen
finger hoch aufffüllen / vñd dasselbig mit einem ronden Holz hart
auff einander schlagen / darnach dasselbig widerumb zwen Finger
hoch mit sollichem faulen gestoffenen Zeug aufffüllen / vñd dann
wider hart auff einander / wie vor / schlagen / vñd also fürtan biß
der halß voll wirdt / vñd dann mit einem Leder oben zugebun-
den / vñd verwarlich hingelegt / biß zur zeit daß man es brauchen
soll.

Vñd so man es inn einem Sturm brauchen wil / soll man an die
ohren ahn halß ein schnor einer Elen lang / vñd ahn ende der schnor
ren ein Kneblin eines Fingers lang binden / daß einer den Knebel
mit der Schnor mög zwischen die Finger nemen vñd fornen anzün-
den / vñd also mit der Schnor hinweg schlengern oder werffen / dann
es sich weit mit der Schnor wirfft / vñd so bald es angeht vñd Feuer
secht/

secht/soll man es vnder das Kriegßuolck im Storm/Da sie am dicksten stehen werffen/so brennt es langsam durch den langen halß/biß in die weite der Kugeln in den röschen Zeug kompt/zersprengt die Kugel mit gewalt vñ schlecht vmb sich im hauffen/Wo die Kugel dicker von Zeug gemacht vñ gebachen seind/so sie härter sprengen vnd schlagen/wann sie aber dünn von Zeug seind/so brechen sie bald/vñnd hat das Puluer luffte/so seind die stöcker daruon leicht/drucken nicht durch wie die schwehren.

Man soll auch ledern Eimer inn einer Befestigung haben/dann es kompt wol daß man Feuer hinein wirfft/oder vor sich selber etwas angeht/Darumb soll man allezeit mit rüstung gefast sein.



In alten zeiten hat man Instrument gehabt/die hat man Schleudern oder Schlegern genannt/das seind Werffzeug gewesen/mit denselbigen hat man todte Schelmen vnd andere werck mehr/als stein vnd dergleichen in die Befestung geworffen/solcher gestalt haben die darinn widerumb herauß gethan/Darumb sollen solliche Instrument auch noch inn einer Befestigung recht vñnd wol zugericht sein/damit ob mit solchem Zeug etwas hinein geworffen würde/dasselbig vnd dergleichen anders mehr/so inn der Befestigung sterben/vñnd vnstätig sein möchte/wider mit dergleichen Rüstung herauß werffen/Solches Instrument mag man auch mit grossen Backen laden/vñnd inn die Schanzen werffen/wie ich gesehen hab daß geschehen ist/also ist mit solchem Instrument vil außzurichten vnd vorzunehmen/Wie solche Instrument sollen gemacht sein/habe ich hie/wie zu sehen ist/ein Abriß vñnd Figur gestalt/damit auß dem ein besserer verstandt/dann alleyn auß dem blossen schreiben/geschehen möchte.

G iij Man

Ein kurzer bericht

Man soll auch alle Fütterung/es sey Hay/Stro vund dergleichen an sicher ort/das es vor Feuer verwart sey/legen/damit nicht Feuer darin geworffen vnd geschossen werd/dann man kundtschafft darauff macht/wo vund an welchem ort das ligt/darnach sucht man weg/das mög inn brant gebracht werden/dann es Feuers halben gefahr bringet.

Desgleichen soll man das Puluer wol verwaren/vnd an sicher ort sehen/da es vor feuer verwart siehe / vnd were gut das man es theilt/vnd mehr dann an einem ort stehen möcht / ob schon ein vnrath einem ort geschehe/das doch das ander behalten würde / vnd man schon den ganzen vorrath des Puluers nicht theilen noch an sicher orten behalten künde/sondern an einem sicheren ort bey einander haben müst/soll man verhüten / vund nicht allezeit / wann puluer von nöthen were/ so leichtlich vber den ganzen vorrath gehen lassen/ohn beysein des Obersten/Wann man aber Puluer haben müst/soll der Oberst auff einmal so vil heraus geben / das alle Lehen etliche tag mit notturfft versehen seien/alsdann ist dasselbig Puluer getheilt/vnd kan auff einmal nicht aller schaden nemen/ wann ein vnrath darein keine/ als wann es aller bey einander auff einer Lehen were / Der Oberst soll auch das Puluer so in dem rechten vorrath ligt/in kleine Fäßelein thun lassen/ wann es von nöten/das es bald auff die Lehen kündet getragen werden/vnd nicht erst lang in dem Haus sen oder vorrath vmbgehen.



Betruckt zu Franckfurt am
Mayn/durch Johann Lechler/In verlegung
Sigmund Feyerabend vnd Si-
mon Hüter.



1 5 6 3.

